

四字小學推句

讀本

卷第一章 此章總叙我朝王業之興。皆由天命之佑。先述其所以作歌之意也。

有賁其實 五忽切。勤也。灼職。

源遠之木。早亦不蠲。所其為八。于海必達。竭其竭。切。盛也。

본 독본은 원문 강독講讀 및 성독용聲讀用으로 제공하는 것이다.

한문의 성독 능력은 곧 한문독해력漢文讀解力과 비례한다고 할 수 있을 만큼 한문 연수의 중요 과정 중 하나이다. 한 책冊을 수십, 수백 회를 읽어서 원문을 통째로 암기暗記하는 것이 한문독해력 신장에 가장 좋다.

제대로 된 암기를 위해서는 원문을 물 흐르듯 줄줄 읽어 내려갈 수 있는 단계, 즉 ‘입에 올린다’ 하여 ‘상구上口’라고 하는 과정을 반드시 거쳐야 한다.

그런데 처음 한문을 읽는 대부분의 사람은 상구의 과정 없이 몇 번만 대충 읽어보고는 머릿속으로만 의미에 따라 자구字句를 억지로 조합하려고 한다.

혹 암기력이 뛰어나서 억지로 한문 문장을 외우더라도 이렇게 외운 문장은 금세 잊히게 된다. 그러므로 자신의 학문독해력 신장을 목표로 둔 사람이라면 문장을 빨리 암기하려는 욕심을 버리고, 원문의 의미를 음미하면서 여러 차례 반복적으로 읽을 것을 권한다.

※ 본 독본을 읽을 때는, 앞 교재에서 ‘현토懸吐’와 ‘끊어 읽거나 쉬는 위치(〽)’ 등의 내용을 참조하면 좋다.

四字小學讀本目次

父母上		七
父母下		九
夫婦兄弟		一一
師弟長幼朋友		一二
修身		一五
俗談		一七

推句讀本目次

天高		二一
耕田		二三
山影		二五
竹筍		二六
簷月		二九

四字小學讀本

四字小學讀本目次

父母上

父母下

夫婦兄弟

師弟長幼朋友

修身

俗談

四字小學讀本

父母上

父生我身 母鞠吾身 腹以懷我 乳以哺我
以衣溫我 以食飽我 恩高如天 德厚似地
爲人子者 曷不爲孝 欲報其德 昊天罔極
晨必先起 必盥必漱 昏定晨省 冬溫夏清
父母呼我 唯而趨進 父母使我 勿逆勿怠

父母有命俯首敬聽 坐命坐聽立命立聽
父母出入每必起立 父母衣服勿踰勿踐
父母有疾憂而謀瘳 對案不食思得良饌
出必告之反必面之 慎勿遠遊遊必有方
出入門戶開閉必恭 勿立門中勿坐房中
行勿慢步坐勿倚身 口勿雜談手勿雜戲
膝前勿坐親面勿仰 須勿放笑亦勿高聲
侍坐父母勿怒責人 侍坐親前勿踞勿臥

父母下

獻物父母跪而進之 與我飲食跪而受之
器有飲食不與勿食 若得美味歸獻父母
衣服雖惡與之必著 飲食雖厭與之必食
父母無衣毋思我衣 父母無食毋思我食
身體髮膚勿毀勿傷 衣服帶靴勿失勿裂
父母愛之喜而勿忘 父母責之反省勿怨
勿登高樹 父母憂之 勿泳深淵 父母念之

勿與人鬪父母不安室堂有塵常必灑掃
事必稟行無敢自專一欺父母其罪如山
雪裏求筍孟宗之孝剖冰得鯉王祥之孝
我身能賢譽及父母我身不賢辱及父母
追遠報本祭祀必誠非有先祖我身曷生
事親如此可謂孝矣不能如此禽獸無異
學優則仕爲國盡忠敬信節用愛民如子
人倫之中忠孝爲本孝當竭力忠則盡命

夫婦兄弟

夫婦之倫二姓之合相敬如賓家道成矣
兄弟姊妹同氣而生兄友弟恭不敢怨怒
骨肉雖分本生一氣形體雖異素受一血
比之於木同根異枝比之於水同源異流
兄弟怡怡行則雁行寢則連衾食則同牀
分毋求多有無相通私其衣食夷狄之徒
兄無衣服弟必獻之弟無飲食兄必與之

一杯之水必分而飲一粒之食必分而食
兄雖責我莫敢抗怒弟雖有過須勿聲責
兄弟有善必譽于外兄弟有失隱而勿揚
兄弟有難悶而思救兄能如此弟亦效之
我有歡樂兄弟亦樂我有憂患兄弟亦憂
雖有他親豈若兄弟兄弟和睦父母喜之
師弟長幼朋友

事師如親必恭必敬先生施教弟子是則

夙興夜寐勿懶讀書 勤勉工夫父母悅之
始習文字字畫楷正 書冊狼藉每必整頓
能孝能悌莫非師恩 能知能行總是師功
長者慈幼幼者敬長 長者之前進退必恭
年長以倍父以事之 十年以長兄以事之
我敬人親人敬我親 我敬人兄人敬我兄
賓客來訪接待必誠 賓客不來門戶寂寞
人之在世不可無友 以文會友以友輔仁

友其正人我亦自正 從遊邪人我亦自邪
蓬生麻中不扶自直 白沙在泥不染自污
近墨者黑近朱者赤 居必擇鄰就必有德
擇而交之有所補益 不擇而交反有害矣
朋友有過忠告善導 人無責友易陷不義
面讚我善諂諛之人 面責我過剛直之人
言而不信非直之友 見善從之知過必改
悅人讚者百事皆僞 厭人責者其行無進

直木無陰直士無徒松茂栢悅芝焚蕙歎

修身

父子有親君臣有義夫婦有別長幼有序
朋友有信是謂五倫君爲臣綱父爲子綱
夫爲婦綱是謂三綱人所以貴以其倫綱
非禮勿視非禮勿聽非禮勿言非禮勿動
行必正直言則信實容貌端正衣冠整齊
居處必恭步履安詳作事謀始出言顧行

常德固持然諾重應 飲食慎節言語恭遜
德業相勸過失相規 禮俗相交患難相恤
貧窮困厄親戚相救 婚姻死喪鄰保相助
修身齊家治國之本 讀書勤儉起家之本
人之德行謙讓爲上 莫談他短靡恃己長
己所不欲勿施於人 積善之家必有餘慶
不善之家必有餘殃 損人利己終是自害
禍福無門惟人所召

俗談

聞不若見 見不若知 枯木生花 老蚌生珠
傍觀者審 當局者迷 得魚忘筌 得兔忘蹄
投石石來 擲餅餅回 仰天吐唾 逆風揚塵
前門拒虎 後門進狼 右手畫圓 左手畫方
晝言雀聽 夜言鼠聆 同美相妒 同業相仇
流水不腐 戶樞不蠹 聚蚊成雷 積羽沈舟
孔席不暖 墨突不黔 末大必折 尾大不掉

梨腐予女栗朽予婦 寧爲鷄口無爲牛後
但知其一不知其二 談虎虎至談人人至
旣喪其馬乃葺厥廐 饒傳愈減言傳愈濫
先視爾褥乃展厥足

四字小學讀本 終

推句讀本

推句讀本目次

天高

耕田

山影

竹筍

簷月

推句讀本

天高

天高日月明 地厚草木生 月出天開眼 山高地舉頭
東西幾萬里 南北不能尺 天傾西北邊 地卑東南界
春來梨花白 夏至樹葉青 秋涼黃菊發 冬寒白雪來
日月千年鏡 江山萬古屏 東西日月門 南北鴻雁路
春水滿四澤 夏雲多奇峯 秋月揚明輝 冬嶺秀孤松
日月籠中鳥 乾坤水上萍 白雲山上蓋 明月水中珠

月爲宇宙燭	風作山河鼓	月爲無柄扇	星作絕纓珠
雲作千層峰	虹爲百尺橋	秋葉霜前落	春花雨後紅
天地人三才	君師父一體	天地爲父母	日月似兄弟
夫婦二姓合	兄弟一氣連	父慈子當孝	兄友弟亦恭
父母千年壽	子孫萬世榮	愛君希道泰	憂國願年豐
妻賢夫禍少	子孝父心寬	子孝雙親樂	家和萬事成
思家清宵立	憶弟白日眠	家貧思賢妻	國亂思良相
綠竹君子節	青松丈夫心	人心朝夕變	山色古今同

江山萬古主人物百年賓
世事琴三尺生涯酒一盃
山靜似太古日長如少年
靜裏乾坤大閒中日月長

耕田

耕田埋春色汲水斗月光
西亭江上月東閣雪中梅
飲酒人顏赤食草馬口青
白酒紅人面黃金黑吏心
老人扶杖去小兒騎竹來
男奴負薪去女婢汲水來
洗硯魚吞墨煮茶鶴避煙
松作延客蓋月爲讀書燈
花落憐不掃月明愛無眠
月作雲間鏡風爲竹裡琴

掬水月在手 弄花香滿衣 五夜燈前晝 六月亭下秋
歲去人頭白 秋來樹葉黃 雨後山如沐 風前草似醉
人分千里外 興在一杯中 春意無分別 人情有淺深
花落以前春 山深然後寺 山外山不盡 路中路無窮
日暮蒼山遠 天寒白屋貧 小園鶯歌歇 長門蝶舞多
風窓燈易滅 月屋夢難成 日暮鷄登埭 天寒鳥入簷
野曠天低樹 江清月近人 風驅群飛雁 月送獨去舟
細雨池中看 微風木末知 花笑聲未聽 鳥啼淚難看

白鷺千點雪黃鶯一片金
桃李千機錦江山一畫屏
鳥宿池邊樹僧敲月下門
棹穿波底月船壓水中天
高山白雲起平原芳草綠
水連天共碧風與月雙清

山影

山影推不出月光掃還生
水鳥浮還沒山雲斷復連
天地藏萬物江河束千山
天長去無執花老蝶不來
初月將軍弓流星壯士矢
掃地黃金出開門萬福來
鳥逐花間蝶鷄爭草中蟲
鳥喧蛇登樹犬吠客到門

高峯撐天立長江割地去 碧海黃龍宅青松白鶴樓
月到梧桐上風來楊柳邊 群星陣碧天落葉戰秋山
潛魚躍清波好鳥鳴高枝 雨後澗生瑟風前松奏琴
馬行千里路牛耕百畝田 馬行駒隨後牛耕犢臥原
狗走梅花落鷄行竹葉成

竹筍

竹筍黃犢角蕨芽小兒拳 天清一雁遠海闊孤帆遲
柳色黃金嫩梨花白雪香 綠水鷗前鏡青松鶴後屏

雨磨菖蒲刀 風梳楊柳髮 鳬耕蒼海去 鷺割青山來
花紅黃蜂鬧 草綠白馬嘶 山雨夜鳴竹 草蟲秋入牀
遠水連天碧 霜楓向日紅 山吐孤輪月 江含萬里風
露凝千片玉 菊散一叢金 白蝶紛紛雪 黃鶯片片金
洞深花意懶 山疊水聲幽 水解魚初躍 風和雁欲歸
林風涼不絕 山月曉仍明 竹筍尖如筆 松葉細似針
魚戲新荷動 鳥散餘花落 琴潤絃猶響 爐寒火尙存
春北秋南雁 朝西暮東虹 柳幕鶯爲客 花房蝶作郎

日華川上動風光
草際浮明月松間照
清泉石上流
青松夾路生白雲
宿簷端荷風送香氣
竹露滴清響
谷直風來急山高月上遲
蟋蟀鳴洞房梧桐落金井
山高松下立江深沙上流
花開昨夜雨花落今朝風
大旱得甘雨他鄉逢故人
畫虎難畫骨知人未知心
水去不復回言出難更收
學文千載寶貪物一朝塵
一日不讀書口中生荊棘
花有重開日人無更少年
白日莫虛送青春不再來
堯舜千古聖孔孟百世師

心爲一身主 身作吾心宅 貧人以書富 富者因書貴
水流無彼此 地勢有西東 月色中流滿 秋聲兩岸生
陰陽無停機 寒暑互來往 坐草衣襲綠 嚼花頰生香
鵲噪未爲吉 烏啼豈是凶 人間吉與凶 不在鳥音中
愛月非關惑 貪山不害廉 耕牛無宿草 倉鼠有餘糧
樽酒樂餘春 碁局消長夏

簷月

簷月清詩肺 溪風灑醉顏 古曲知音少 浮生回面難

酒是忘憂物 書爲引睡寐 松竹千古節 桃李片時春
芝蘭種不榮 荊棘剪不去 梅花點點雪 松葉箇箇針
明月千家燈 清風萬人扇 明月圓且缺 白雲散復合
雪白知歲寒 山青識春來 龍爲水中王 虎作山裡君
鷺行沙有跡 魚躍水無痕 烏羽浴未白 霜鬚醉難紅
修竹魚鰲釣 垂楊馬驚鞭 菊黃金失色 霜白月無光
讀書先正心 臨事不謀利 勤讀爲貴人 不學作愚氓
樹高蟬有語 花盡蝶無情 日月機中梭 星辰局裡棋

鶯鶯傳春風鴻鴈報秋聲 踏花春滿足折柳春在手
春夏方生養秋冬始收藏 登山雲襲衣臨水月近人
碩儒那無遊高妓自不語 菊樹寒沙發枝影半從池
江亭貧士過大醉伏松下 月移山影改通市求利來
黑猫踞門顧白鼠下椽走 白鷺海外落黃犢松下馳
風吹葉八分鳥飛枝二月 鳥坐江邊鴻月入門中閒

推句讀本 終



一一一

